



Indgået

- 5 MAR. 2018

Inatsisartunut ilaasortaq  
Henrik Fleischer, Partii Naleraq  
Maani/

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**§ 37 naapertorlugu apeqqummut 74-imut akissut.**

Inatsisartut suleriaasissaanni § 37, imm. 1 naapertorlugu tunitsivinnut tunisassiorfinnullu tunngatillugu Naalakkersuisunut apeqquteqaateqarsimavutit. Apeqqutit suliaasaqarfigisannit akineqartussanngorlugit innersuunneqarput.

01-03-2018  
Suliap nr.: 2018 - 5500  
All. nr.: 7392398

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

**Apeqqut 1: § 37 naapertorlugu apeqqutigineqartup apeqqutip pingajuata (3) akineqarnera (Sags nr.: 2018-4332) ilaatigut imatut allassimavoq: "... tunisassiorfinnik aalajangersimasunik piginnittut innersuunneqarput. Nuugaatsiamut tunngatillugu tassaavoq Royal Greenland A/S."**

**Royal Greenland A/S piginnittuinut innersuunneqartilluta, tassa inuiaqatigiit sinnerlugit piginnittuusorisatut inissisimasut Naalakkersuisunut aperigaluartilluta iluatsinnginnatsigu, kiisa paaserusunnarsivoq kikkut piviusumik piginnittuunersut. Piginnittut sinnerlugit inissisimasunut innersuussinnaavitigt?**

**Apeqqummut 1-imut akissut:** Naalakkersuisut piginnittuinnaapput taamaammat Royal Greenland A/S-ip ulluinnarni ingerlanneqarnerani peqataatinneqaratik, ingerlanneqarneralu tamaat isigissagaanni suliffeqarfittut namminersortutut ingerlalluni. Naalakkersuisut taamaammat tunisinermut tunisassiornermulluunniit apeqqutinut tunngasunik ilisimanninngillat sunniuteqaratilluunniit, taamaammat apeqqut taanna Royal Greenland A/S-imut toqqaannartumik saaffiginnissutigineqassaaq Naalakkersuisunut pinnani. Ingerlatseqatigiiffinnut Namminersorlutik Oqartussanit tamakkiisumik ilaannakortumilluunniit pigineqartut pillugit apeqqutit Ingerlatseqatigiiffinnut Allattoqarfimmut saaffiginnissutigineqarsinnaapput.

**Apeqqut 2: Royal Greenland A/S-imut tunngasunik piginnittuussutsit allangorsimangippata, tassa piginnittut sinnerlugit Naalakkersuisut suli inissisimappata, apeqqut uteqqissavara:**

**Nuugaatsiami tunisassiorfik qanoq annertutigisumik ullormut tunisiffigineqarsinnaagaluarpa, qanorlu naliginnaasumik tunisiffiginnittoqartarsimava?**

**Apeqqummut 2-mut akissut:** Apeqqummut 1-imut akissut takuuk.

Inussiarnersumik inuulluaqqusillunga

Karl-Kristian Kruse

Aalisarnermut Piniarnermullu Naalakkersuisoq